



Doris J. Jensen
Inatsisartuni ilaasortaq, Siumut

Akissuteqaat, § 37 naapertorlugu apeqquteqaammut nr. 178/2023-mut – nunatta oqaluttuarisaanera pillugu nunaqavissut ilinniusiornissaannik siunertaq pillugu

28-12-2023
Sagsnr. 2023 - 3471
Akt nr. 23709179

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Doris J. Jensen,

Qujanaq Inatsisartut suleriaasianni aalajangersakkat naapertorlugit apeqqutigisannut. Taakkua uani ataani akissuteqarfigaakka.

1. Nunatta oqaluttuarisaanera pillugu nunaqavissut ilinniusiornissaannik siunertaq aallartinnikuuaa?

Akissut: Aallarniutigalugu Naalakkersuisut erseqqissaatigalugu oqaatigiumavaat nunaqavissut oqaluttuarisaanerput pillugu meeqqat atuarfiannut ilinniusiornissaannik kissaataavoq meeqqat atuarfiat pillugu inatsimmik kingullermik allannguinnissami tunngaviusut ilagisimangimmassuk.

Taamaattumik Naalakkersuisut naatsorsuutigaat innersuunneqartoq toqqaasoq Inatsisartut UPA 2022-imi immikkoortumut 98-imut atatillugu aalajangiinissaannut siunnersuut, tassani Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap Naalakkersuisut kaammattormatigit oqaluttuarisaaneq pillugu allaaserinnittoqarnissaa Ilisimatusarfik suleqatigalugu. Tamatumunnga taamani Naalakkersuisut akissutigaat kaammattuusaasoq tusaatissatut tiguneqartoq.

Immikkoortup pineqartup oqaluuserineqarnerani ilaatigut Naalakkersuisut akissuteqarfigaat apeqqutigineqartoq Naalakkersuisut pilersaaruteqarnerisut Ilisimatusarnermi ilinniagaqartut immikkut piginnaaneriniq iluaquteqarnissanik, meeqqat atuarfiannut ilinniusiornernut atatillugu.

Tamatumunnga taamani Naalakkersuisut imaattunik akissuteqarput:

"Ataatsimut isigisumik oqaatigineqassaaq ilinniusiornermik ineriartortitsinerimi suliassaqarfimmi imaluunniit fagimi pineqartumi ilisimasat nutaanerpaat iluaqutigineqartarmata. Oqaluttuarisaaneq pillugu ilinniusiornernup ineriartortinneqarneranut atatillugu Ilinniusiornifup ilaatigut suleqatigai kalaallit oqaluttuarisaanermik suliaqartut itsarnisalerisullu, kalaallini nunanilu tamalaani ilisimatusarnikkut ilisimasat nutaanerpaat suliassaqarfimmi iluaqutigisinnaajumallugit. Tamatumani aamma pineqarsinnaapput Ilisimatusarfimmi ilinniagartuunngorniartut kalaallit pillugit oqaluttuarisaanermik suliaat imaluunniit ilinniakkanit naleqquttunit allaneersut. Taamaattuni ilisimasat

nutaat perorsaannermut atatillugu suliareqqinneqartarput, ilinniartitseriaatsinut oqaatsinullu atasumik Ilinniusiorfiup aaqqissuisuinit ilinniartitsisinullu suliareqqinneqartarlutik, meeqqanit ukioqatigiiaanit assigiinngitsunit atorreqarsinnaangorlugit.”

Ilinniusiorfik meeqqat atuarianni faginat ilikkagassanut ilinniusiornernik suliaqaraangat meeqqat atuarianni fagini ilikkagassanullu siunertaasut atuuttut tunngavigineqartarput. Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersorlutik Oqartussat nalunaarutaat nr. 38, 27. juli 2023-meersoq akuersissutigineqarpoq 1. august 2023-imi atulersutut.

Taamaattumillu Ilinniartitaanermut Aqutsisoqarfiup maanna suliaraa saqqummersitsisarnermut periusissiami nutarterneqarnera, atuartitsissutini anguniakkat ilikkagassallu eqqarsaatigalugit fagillu tulleriaarneri nutaat eqqarsaatigalugit, kisiannili aamma iliuuseqarfigiumallugit kommunini ilinniartitsissutissanik digitaliusunik pisariaqartitsineq annertusiartortoq.

Soorlu siulianiittumi ataatsimiititaliamut akissutaasimasumi ersittoq, meeqqat atuarianni faginat ilikkagassatullu immikkoortunut assigiinngitsunut ilinniusiorneq ingerlaavartumik suliaapput, ilisimasanik sulianut naleqquttunik akulerussiviusartut, - immikkut fagitigut pineqartutigit ilisimasalinnik, aamma fagitigut ilisimasalinnik najugaqavissunik akulerussiviusartut. Oqaluttuarisaaneq pillugu fagimut atatillugu ilisimatitsissutigineqarsinnaavoq Ilinniartitaanermut Aqutsisoqarfiup Ilinniusiorfiata maanna suliarimmagit ilinnusiat piffissamut killeqarnerusumut tunngasuusut, oqaluttuarisaaneq pillugu fagimi ilikkagassatut anguniagaasunik aallaaveqartut. Ilinniartitaanermut Aqutsisoqarfiup ilanngullugu ilisimatitsissutigaa aqutsisoqarfik oqaluttuarisaanermut atatillugu fagimut aaqqissuisumik atorfinitsitsisoqarsimasoq 1. oktober 2023. Atorfinitsinneqartup ilaatigut akisussaaffigissavai siuliani eqqaaneqartut piffissanut killilinnut ilinnusiassat aammalu fagimi ilinniutaasussat allat.

1a. Taamaappat qaqugu naammassineqassappat?

Akissut: ilinniutinik ineriartortitsineq suliaasarpog ingerlaavartoq, ilisimasanut nutaanut inuiaqatigiillu ineriartortinnerannut naleqqussarneqartariaqartartoq, tamatumani aamma ilinniartitsinermi perorsaannermillu periaatsinut nutaanut allanngoriartortunullu.

Inussiarnersumik inuulluaqqusillunga


Aqqaluq B. Egede